

II

⁵⁵ От вара, бѣд, и браны, и лютих гонений
изсох бяше в Киевѣ вертоград учений.
Излия в нем Варлаам учения роды
и первих множайшие произнесе плоды.
Жезль его правителский, прежде обетшавший,
⁶⁰ яко же Ааронов прозябе цвѣт здравий.

III

Жилища новой Еввы, дѣвня святя,
рай красный воистинну ест обитель сия,
Ибо божиим сущи престолом хранима,
всегда имать при себѣ добра херувима.
⁶⁵ Таков бяше Варлаам, пастир богом данный,
весь ревности божией огнем одѣянный.

IV

На престол российский церкви возведенный,
пастир сей бѣ свѣтильник вселеннѣй явленный,
Полный дѣл благих, полный здраваго совѣта.
⁷⁰ Бяше свѣт не без огня и огонь не без свѣта,
Горяше внутр, имѣя чистый огонь святыни,
свѣтяше, дая инним образ благодистины.

V

Зри от рукотворенна орудия дѣло,
тому пастир сей добрый подобствова зѣло.
⁷⁵ Той егда единою стопою круг водит,
другою от средняго мѣста не отходит.
И сей труды и дѣла обходя премнога,
обаче никогда же не отступи бога.

VI

Что звѣзда ест морская по морю пловущим,
⁸⁰ то бог ест рабом вѣрним, во бозѣ живущим.
Ко небеси Варлаам всегда возираше,
на земли ключения злая презираше.
Аще когда на его найде навѣт лютий,
радост имѣ в болѣзнях бога помянути.

VII

⁸⁵ Стрѣла, яже бо острый магнит сокривает,
ко звѣздѣ полунощной себе обращает.
Варлаам же бяше всѣм во сладость едину.
ко богу ум и сердце возводящ, выну,
И ниже совратися всяким навѣтом,
⁹⁰ ибо любви божией влеком бѣ завѣтом.

VIII

Молчит злато под млатом, разнствуя от мѣди,
подобнѣ и Варлаам поношаше бѣды.
Тихостию роптания, тихостно многажди
претерпѣ ненависти, клеветы и вражды.